



PORTAVÓS VI GOVERNUN KONSTITUSIONÁL



KOMUNIKADU BA MEDIA

Díli, Loron 27 fulan-outubru tinan 2015

Ministru Interiór no Administrasaun Interna CPLP nian sira hala'o sorumutuk iha Dili

Ministru Interiór no Administrasaun Interna Komunitade Nasaun Lian Portugés CPLP nian sira (CPLP sigla iha lian portugés) hala'o sorumutuk horisehik iha Dili ba sira nia sorumutuk bienál (ba tinan rua nian) IV, ho objetivu atu dezenvolve no hametin kooperasaun iha área seguransa interna nian. Sorumutuk ne'ebé prezide hosi Ministru Interiór Timor-Leste nian Longuinhos Monteiro, hahú ho diskursu Primeiru-Ministru nian, Rui Maria de Araújo.

Xefe Ezekutivu ne'e hato'o boazvindas ba representante sira hosi Angola, Brazíl, Kabuverde, Giné Ekuatoriál, Giné-Bisau, Mosambike, Portugál no Saun Tomé e Prínsipe, ne'ebé hateten katak, situasaun atuál, sira hotu-hotu hasoru dalabarak liu dezafiu sira mak iha setór seguransa nian. Primeiru-Ministru esplika iha âmbito seguransa nian, inklui "seguransa umana, no mós seguransa nasaun nian, kombate atividade ilegál sira no kriminalidade ekonómika, hodi kontribui ba estabilidade polítika, ekonómika populasaun sira nian".

Informa ona mós katak, iha biban ida ne'e "Timor-Leste la'o ona iha dalan ne'ebé loos, no ohin loron goza mós klima seguransa nian ne'ebé hamutuk ho esforsu atu bele dada investimentu nasional no estranjeiru, sai mós nu'udarpilár dezenvolvimentu País nian".

Hafoin liu tiha sorumutuk téknika ira lubuk ida ne'ebé hahú iha loron 20 fulan-outubru, partisipante sira debate asuntu hirak ne'ebé relasiona ho Prevensaun Kriminalidade no Polisiamentu Proximidade nian, Protesaun ba Natureza no Ambiente, Jestaun Sivil Krize sira nian, Arma no Explosivu sira, Investigasaun Kriminál, Prevensaun no Kombate ba Imigrasaun Ilegál no Tráfiku ba Ema nian sira, Observatóriu ba traballadór ne'ebé tama sai no Rede Feto Polísia.

Deklarasaun Díli nian asina ona iha sorumutuk nia rohan ne'ebé tau desizaun no kompromisu sira husi grupu nian, inklui asaun espesífika sira iha área Polísia, Migrasaun, Estranjeiru no Fronteira, Seguransa Públika, Protesaun Sivil no Bonbeiru nian sira.



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

Portavós Governu Konstitusionál VI nian, Ministru Estadu Ágio Pereira temi katak “kooperasaun ba-iha área seguransa nian, hamutuk hofahe esperiênsia no perspetiva sira husi loron hirak ikus ne'e nian , ajuda nasaun hotu-shotu husi CPLP atu mantein pás, defende Estadu Direitu no respeito ba integridade sidadaun sira nian no promosaun dezvoltimentu nian sira. Nu'udar temi husi Timor-Leste ho forma ne'ebé la sai husi dezvoltimentu ba Objektivu foun sira Dezvoltimentu Sustentável nian, maka pás ne'e presiza tebes ba dezvoltimentu sosiedade no ekonomia sira”. **REMATA**



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl